

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZAVIDOVIĆIMA  
Broj: 42 0 K 055393 21 Kps  
Zavidovići, 16.02.2022. godine

### **U IME FEDERACIJE BiH !**

Općinski sud u Zavidovićima, sudija Kalabić Uzeir, uz sudjelovanje zapisničara Sinanović Izabele, u krivičnom predmetu protiv optuženog H.O., sin Z., iz D.I., zbog krivičnog djela davanja dara i drugih oblika koristi iz člana 381. stav 1. KZ F BiH, po optužnici Kantonalnog tužilaštva Ze-Do kantona Zenica br. T04 0 KT 0045934 21 od 12.07.2021. godine, nakon saslušanja optuženog dana 16.02.2022.godine u prisustvu optuženog i zastupnika optužbe Kantonalnog tužioca ZE-DO kantona Zenica Tomaš Branislava, donio je i javno objavio sljedeću:

### **P R E S U D U**

**H.O.**, sin Z. i majke E., rođene D., rođen .. godine U D.I., stalno nastanjen u mjestu D.I, završio SSS, student, neoženjen, Bošnjak, državljanin BiH, JMB: ..., neosuđivan.

### **K r i v j e**

Što je:

Dana 29.05.2021. godine, oko 18,50 sati, u mjestu Parnica općina Maglaj, ovlaštenom službenom licu ponudio dar da ne učini što bi morao učiniti, tako što je prethodno, upravljajući svojim motociklom bez reg. oznaka, počinio saobraćajni prekršaj vozeći neregistrovani motocikl, zbog čega je kontrolisan od strane policijske patrole PS Maglaj, da bi zatim, iako je znao da je to nedozvoljeno, policajcima Đ.B. i Š.E. dao dvije novčanice od po 10,00 KM, odnosno 20,00 KM, kako ne bi preduzeli mjere iz svoje nadležnosti koje se odnose na njegovo sankcionisanje za počinjeni prekršaj,

Dakle, službenoj osobi u Federaciji učinio dar da ne učini što bi morala učiniti,

čime je počinio krivično djelo davanje dara i drugih oblika koristi iz člana 381. stav 1. KZ F BiH.

pa mu sud, primjenom odredbi prednjeg člana, te člana 49 KZ FBiH , te primjenom člana 353.st. 2. ZKP FBiH izdaje

### **KAZNENI NALOG**

kojim mu se temeljem čl. 62 KZ FBiH, i z r i č e

### **UVJETNA OSUDA**

Kojom se optuženom utvrđuje kazna zatvora u trajanju od 2 (dva) mjeseca i istovremeno određuje da se ista neće izvršiti ukoliko optuženi u roku od 1 (jedne) godine dana, od dana pravosnažnosti presude ne počinu novo krivično djelo.

Optuženi se obavezuje da na ime paušala plati iznos od 30,00 KM, u roku od 15 dana od dana pravosnažnosti presude.

### O b r a z l o ž e n j e

Kantonalno tužilaštvo Zeničko-dobojskog kantona Zenica optužnicom broj: T04 0 KT 0045934 21 od 12.07.2021. godine, optužilo je H.O., iz općine D.I., zbog krivičnog djela davanje dara i drugih oblika koristi iz člana 381. stav 1. KZ F BiH, na način, u vrijeme i u mjestu kako je to bliže opisano u izreci, te je stavilo zahtjev za izdavanje kaznenog naloga protiv istog.

Na ročištu za saslušanje optuženog i za izdavanje kaznenog naloga održanom dana 16.02.2022.godine, optuženi je izjavio da je razumio optužnicu i zahtjev tužitelja za izricanje krivičnopravne sankcije, te je priznao krivnju za počinjeno krivično djelo, nakon upoznavanja sa dokazima koje je prikupio tužitelj, pa je sud utvrdio krivnju optuženog i presudom izdao kazneni nalog u skladu sa optužnicom i optuženom za krivično djelo davanje dara i drugih oblika koristi iz člana 381 stav 1 KZ F BiH, izrekao uvjetnu osudu kojom je optuženom utvrdio kaznu zatvora u trajanju od dva mjeseca i istovremeno odredio da se ista neće izvršiti ukoliko optuženi u roku od jedne godine, od dana pravosnažnosti presude ne počinu novo krivično djelo.

Sud je utemeljio presudu kojom je izdao kazneni nalog, obzirom da je optuženi priznao krivnju, nije imao primjedbi na predložene i od tužilaštva prikupljene dokaze, niti se protivio predloženoj krivičnopravnoj sankciji, a tužilaštvo je prikupilo dovoljno dokaza na osnovu kojih je sud utvrdio krivnju optuženog.

Optuženi je priznao krivično djelo i izrazio kajanje za počinjeno krivično djelo, do sada nije osuđivan, tako da je sud presudom izdao kazneni nalog i izrekao mu krivičnopravnu sankciju tj. uvjetnu osudu, smatrajući da će se i sa mjerom upozorenja postići svrha kažnjavanja predviđena članom 42. KZ FBiH.

U skladu sa čl. 202 st.1 ZKP FBiH sud je obavezao optuženog da na ime paušala plati iznos od 30,00 KM, u roku od 15 dana od dana pravosnažnosti presude, pod prijetnjom prinudnog izvršenja, imajući u vidu dužinu trajanja i složenost krivičnog postupka.

Zapisničar  
Sinanović Izabela

S u d i j a  
Uzeir Kalabić

POUKA: Protiv ove presude može se izjaviti žalba u roku od 8 dana, Kantonalnom sudu u Zenici, putem ovog suda.